

## ԱՊԱԿԵ ՓՈՐՁԱՆՈՒԹՅՆԵՐ ԴՎԻՆԻ ՊԵՂՈՒՄՆԵՐԻՑ

Դիջնադարյան Հայաստանում ալքիմիան լայն տարածում է ունեցել և մեծ դեր է խաղացել իր ժամանակի տնտեսական կյանքում, հատկապես արհեստների զարգացման բնագավառում։ Ալքիմիան Հայաստանում ունեցել է գործնական ուղղություն և կիրառական նշանակություն։ Ալքիմիկոսները զբաղվել են դեղեր, անուշահոտ յուղեր, զանազան ներկեր, մետաղի ամալգամների սյուլեայլ ձուլվածքներ պատրաստելով։ Ալքիմիան սերտորեն կապված է եղել մետաղագործության, ոսկերչության, կաշեգործության հետ և ոժանգակել է նույնպես կատարելագործմանը։

Դիջնադարյան հայ քիմիկոսին բնորոշ էր ալքիմիայի միաստիկ և ֆանտաստիկ բնույթը։ Նրան հայտնի էին այնպիսի կարևոր գործողություններ, ինչպիսիք են նյութերը միմյանցից անփոփոխելու, թորելու, գոլորշիացնելու, նստեցնելու, բյուրեղացնելու զանազան ձևերը<sup>1</sup>։

Քիմիաի զարգացումը սերտորեն պայմանավորված է աշխատանքի սարքավորման հետ։ Աշխատանքների սարքավորման նկարագրությունը հատուկ գլուխներ են նվիրում հայկական ալքիմիական ձեռագրերը, որոնցից գիտենք, որ հայ քիմիկոսի աշխատանքը հազեցած է եղել ռեհրաժեշտ գործիքներով և անոթներով։ Ձեռագրերից մի քանիսի մեջ պահպանվել են սարքավորումների և նույնիսկ փորձանոթների նկարները<sup>2</sup>։

Սակայն ալքիմիական ձեռագրերը պատկանում են XV—XVI դդ. և ավելի ուշ ժամանակաշրջանի, թեև կան հիշատակություններ, որ դրանք արտագրված են ավելի հին ձեռագրերից։ Սրանցից ամենահին հիշատակությունը պատկանում է XIII դարին։ Ուսումնասիրողներից ոմանալայն կարծիքին են, որ ԼԹՆ ձեռագրի արտագրման ընթացքում գրիչը ճշտությամբ կրկնում էր այն կամ այն նյութն ստանալու եղանակը, ապա այլ վիճակում էր աշխատանքի սարքավորման և ապա նկարագրությունը, որը հավանաբար արդեն արտահայտում էր ձեռագրի ընդօրինակման ժամանակի վիճակը, մանավանդ եթե ձեռագիրն արտագրված էր քիմիկոսի պատվերով, երբեմն նույնիսկ նրա ձեռքով։ Այդ հատկապես վերաբերում է սարքավորման գծագիր պատկերներին։

Ալքիմիայի պատմությամբ զբաղվողներն այն կարծիքին են, որ քիմիական անոթները և գործիքները իրենց ձևավորումն են ստացել ալքիմիայի ձագման սկզբնական շրջանում, վաղ միջնադարում և շնչին փոփոխություններով հարատևել են մինչև XVIII դար<sup>3</sup>։

Այժմ Հայաստանում կատարվող հնագիտական պեղումները հնարավորություն են տալիս ճշտելու և պարզարանելու պատմական անցյալի շատ կնճառող խնդրներ, այդ թվում նաև ալքիմիկոսի աշխատանքի սարքավորման հարցը։

Այս հոգվածի նպատակն է հրապարակել Դվինի պեղումներից հայտնաբերված ապակե անոթների մի քանի տեսակները՝ համեմատելով ձեռագրերում հանդիպած անոթների հետ և մի կողմից՝ որոշել նրանց տեղն ու գործածության նպատակը միջնադարյան ալքիմիկոսի աշխատանքում, մյուս կողմից՝ ճշտել ձեռագրերում նկարագրվող անոթների իսկական ձևերը։

Դվին քաղաքի միջնաբերդի պեղումների ժամանակ հայտնաբերվել են բազմաթիվ ապակե անոթներ, որոնք վերաբերում են IX—XII դարերին<sup>4</sup>։ Այսինքն այն ժամանակաշրջանին, որից ալքիմիական ձեռագրեր մեզ չեն հասել։ Ուստի այս անոթների ուսումնասիրությունը պետք է հնարավորություն տա նաև պարզելու և ճշտելու IX—XII դդ. Հայաստանում ալքիմիայի զարգացման վիճակը, որի մասին մինչև հիմա ոչ մի տեղեկություն չուենք։

Ինչպես վերը նշեցինք, ալքիմիական ձեռագրերը հատուկ գլուխներ են պարունակում աշխատանքների սարքավորման վերաբերյալ։ Այստեղ բազմաթիվ պատգամներ և խրատներ են զետեղված պահանջվելիք իրերի նկարագրության և օգտագործման եղանակի մասին։ Բացի այդ, յուրաքանչյուր դեպքում, պատրաստվելիք նյութի հաջողությունն ապահովելու համար հեղինակները նախազգուշացնում են, թե ինչ նյութից պետք է պատրաստված լինեն օգտագործվող անոթները՝ հրակայուն, թե՛ ջնարակված (ապիկած) կավից, ապակեից, թե՛ մի այլ նյութից։ Այսպես

1. Գ. Ղաֆադարյան, Ալքիմիան պատմական Հայաստանում, Երևան, 1940, Դ. Դ. К а з а н д ж я н, Очерки по истории химии в Армении, Ереван, 1955, Բ. Ն. Առաքելյան, Քաղաքները և արհեստները Հայաստանում IX—XIII դդ., Երևան, 1958, էջ 335—341։

2 Տ. Ղաղաղյան, Քիմիական աշխատանքի և լաբորատոր սանիտիկան ըստ հին հայկական ձեռագրերի, Գիտական նյութերի ժողովածու (Մատենադարանի), 1950, № 2։

E. I. Holmyard, Alchemical Equipment a History of Technology, vol. II. Oxford, 1957.

Г у с т а в Ф о с т е р, История химической техники, Харьков, 1938, էջ 91։

4. Գ. Ղաֆադարյան, Դվին քաղաքը և նրա պեղումները, Երևան, 1952։

րինակ, ձեռագրերից մեկում կարդում ենք. «Եւ ասեմ թեղ զամաներն, որ պիտի այս արուեստիս. աման, որ աղեր ի մեջն շինվեն և աման՝ բան ի մեջն տարացվի, և կթխաներ, և շուշաներ. և ապալի, սալ որ ի մեջն սղկվի, տամանելու ամաններ, որի մեջը տաման լինի և փուռ. և անխափան և հաստատ կու լինի այս արուեստս: Եւ լինի եարաղներուն շորս-շորս և հինգ-հինգ և ույլ բազում, և կանթեղներ, և միտք արայ, զինչ որ պիտոյ է արուեստիս»<sup>5</sup> (ձեռ. N° 3000): № 753 ձեռագրի 30-րդ խրատն ասում է. «Այս արուեստի ամաններն են պտուկներն, կթղաներն. դարաներն և աղալու սայն: Եւ երկու ցեղ ամաններ կան ի հողի և յապիկէ: 32-րդ խրատում կարդում ենք. «Թառղիտն (մարբում) կու լինի ի յապիկի աման և բրիտի աման: Որոշ խրատներում ասված է, որ ամանը պետք է կամ ապակի լինի, կամ ապիկած (ջնարակված) և Կուռ և այսպիսի պատգամներ՝ «Չուշայ ապիկի ամանի տարցոյ սակաւ սակաւ և ապայ դիր ի կրակն և երբ վերուցես թող որ մաղմանդի կրակն և պաղի ապակին, յետոյ վեր կայ որ չի բեկի սնոթն»<sup>6</sup>:

Այս և բազմաթիվ այսպիսի հիշատակություններից մենք տեսնում ենք. որ միջնադարյան ալքիմիկոսի աշխատանոցում ապակե անոթները մեծ գործածություն են ունեցել: Նրանց մի մասն զտազործվում էր միայն հատուկ քիմիական աշխատանոցներում, իսկ մի ավելի մեծ խումբն զտազործվում էր նաև կենցաղում:

Իրա բառն ասորական ծագում ունի և բացատրվում է որպես բաժակ, գավաթ, ձեռագրերում այս բառն օգտագործվում է երբեմն ինքնուրույն, երբեմն ապակե ածականով, ուրեմն եղել են կթղաներ և ոչ ապակե: Մեզ այստեղ հետաքրքրում են միայն ապակե կթղաները: Ինչպես նշում է S. Ղազանջյանը, ալքիմիկոսները թանձր նյութից անմիջապես զազակերպ վիճակ ստանալու համար (սուսլիմացիա) օգտվում էին ալուտն և կոշված սարքավորումից. սա շատ տարածված և հանրածանոթ էր և այդ է պատճառը, որ նրա ոչ նկարագրությունը և ոչ էլ նկարը հայկական ձեռագրերը չեն պահպանել: Օգտվելով ալքիմիական ընդհանուր աշխատություններից, Ղազանջյանը այդ սարքավորումը նկարագրում է որպես երկու իրար վրա դրված բաժակներից կազմված սարքավորում, ըստ որում ընդգծում է, որ ալուտնը պետք է պատրաստված լիներ հաստ ապակուց և միմիայն ապակուց, քանի որ այն ծակոտիներ չունի: Մետաղն այս նպատակի համար օգտագործել չի կարելի՝ նրա ծակոտկենությունը և ուրիշ նյութերի հետ միանալու հատկություն ունենալու պատճառով. նյութերը միացություններ են տալիս և հեշտությամբ հեռանում:

Դվինի ապակե իրերի ժողովածուն շատ հարուստ է տարբեր տեսակի և չափի բաժակներով: Նրանցից այն օրինակները, որոնք ունեն հարուստ վերադիր զարդեր կամ փորագիր քանդակներ, անկասկած, վերաբերում են կենցաղային սպասքի շարքին, բայց կա բաժակների մի ամբողջ մեծ խումբ, պատրաստված անգույն, թափանցիկ, հասարակ ապակուց, շատ նման մեր ժամանակակից քիմիական փորձանոթ-բաժակներին, որոնք, անկասկած, կարող էին օգտագործվել նաև օրինակական նպատակով: Նրանք կարող էին ունենալ և՛ ինքնուրույն դեր, և՛ կազմել այնպիսի ամբողջ սարքավորման բաղադրիչ մասերից մեկը. ասենք՝ ալուտն և այլն (նկ. N° 1):

Ձեռագրերում հաճախ հանդիպում են շուրա կամ շուրա ապակի բառերը: Այս անվան տակ պետք է հասկանալ առաջին դեպքում սրվակ, երկրորդ դեպքում՝ ապակե սրվակ, որոշ դեպքերում էլ՝ ուղղակի ապակե անոթ: Դվինում հայտնաբերված սրվակները տարբեր չափեր և բազմապիսի ձևեր ունեն: Վզի, բերանի, շուրթերի և սպորունակիչի տարատեսակները քսանից ավելի են: Ավելի բազմապիսի են վզի և շուրթերի ձևերը՝ երկար ու կարճ, լայն ու նեղ՝ կամ ձևավորվելով: Շուրթերի լինում են ձազարած, կտցավոր, սկավառակաձև և այլն (նկ. N° 2):

№ 6928 ձեռագրում «Գործիք արուեստիս որք կան ամանք արսիրականաց» վերնագիրն ունեցող մի խումբ քիմիական գործիքների և անոթների նկարում տեղավորված է սովորական փորձանոթ սրվակի նկար՝ կլոր պարունակիչով, երկար և հասարակ վզով, կողքին գրված է՝ նկ. N° 10 «Չուշայ զկապուզանելոյ»: Այսպիսի անոթները Դվինի ժողովածուում բազմաթիվ են և, ինչպես հետագայում կտեսնենք, լայնորեն օգտագործվել են ալքիմիկոսների արհեստանոցներում և կենցաղում:

№ 2527 ձեռագրում, որը կոչվում է «Քիմիաբանություն», «Յաղագս կերպերոյն և ձևերոյն ամանից» զլիսում գրված է. «...և է աման որ ընդունող կոշի և է շրջեր... և շիշեր կայն նեղ լիզ... շիշն է քերոյն քաշող և ընդունող»<sup>7</sup>:


<sup>5</sup> Օգտագործված լուրր ձեռագրերը գտնվում են Մատենադարանում:

<sup>6</sup> Կ. Պապարյան, Ալքիմիան պատմական Հայաստանում, էջ 66:

<sup>7</sup> S. Ղազանջյան, նշվ. աշխ., էջ 11:

<sup>8</sup> Ձեռ. N° 2527, էջ 56:

Նույն բանը պարսկերեն ծագում ունի և նշանակում է ապակի, սակայն արդեն միջնադարյան պարսկերենում այս բառն օգտագործվել է նաև որպես ապակե սրվակ, անոթ՝ պատրաստված ապակուց, հետագայում՝ ուղղակի անոթ, սրվակ։ XIII դարում Աբուլ Ֆազլի-Խուրեջ-Իբն Իբրահիմ Խիֆիսին<sup>9</sup>, իր պարսկերեն լեզվով գրված կիրառական արվեստի տեխնոլոգիային վերաբերող հատվածում նույն բառն օգտագործում է լայն իմաստով, ընդհանրապես քիմիական անոթի նշանակությամբ, անկախ այն բանից, թե ինչ նյութից է պատրաստված։ Ուստի պատահական չէ, որ նախ քիմիկոսները ամեն անգամ նշում են շուրա ապակի, կամ ուղղակի շուրա։



Նկ. 1. Ապակե բաժակ Գվինից


Պատահական չէ նաև այն հանգամանքը, որ քիմիական ձեռագրերում հանդիպում են անոթներին և նյութերին ոչ հայկական ծագում ունեցող անուններ՝ կթղա, ալուտեյ, շուշա, հետագայում հհանդիպենք ևս մի քանի այլ օտար բառերի, որոնք հատուկ էին այդ արվեստի համար։

Ավելորդ չէ նշել, որ ալքիմիկոսները ամենուր խիստ կերպով պահպանում էին իրենց նախորդների փորձը, անշուշտ կատարելագործելով այն և հնարավորին չափ ստեղծելով նորը։ Պատահական էին նրանք մասնագիտական տերմինների և սարքավորման գործում, Հայն կերպով օգտագործում էին և հարևան երկրների մասնագետների հաղորդվածները, նրանց հաղորդելով նաև իրենցը։ Դրանով է բացատրվում ալքիմիական տերմինների և սարքավորումների յուզահանրությունը։ Սգիպտոսում, Մերձավոր Արևելքում, Միջին Ասիայում, Հայաստանում։

Հայ ալքիմիկոսներին շատ վաղուց հայտնի էր նյութերի գտման եղանակներից մեկը՝ բուխան արվեստը, որի համար պահանջվում էր հատուկ սարքավորում։ Ձեռագրերում պահպանվել են այդ եղանակների նկարագրությունները և օգտագործվող սարքավորման գծագիր նկարները։

Մատենադարանի № 3204 ձեռագրի 202 էջում տեղավորված նկարը Տ. Պաղանջյանի համարում է թորման սարքավորում և տալիս է հետևյալ բացատրությունը (Նկ. N 3ա, բ)։ Այս

<sup>9</sup> О. Л. Вильчевский, Сфероконические сосуды в Переднеазиатском трактате по прикладной технологии XII в. „Советская археология“, 1961, № 2, էջ 210-212։



Նկ. Զ. Դվինի ապակե սրվակների ձևերը


«...պարտոր բաղկացած է հետևյալ մասերից՝ ճիմնական կաթսա, որի մեջ լցվում է զտման հնձա-  
կա նյութը և գմբեթաձև մի կափարիչ՝ գոգավոր առաստաղով, որը ցածի մասում ունի հատուկ  
նեղ խողովակ։ Այս կափարիչի վերին մասում հավաքվում է կաթսայում տարացված նյութից ա-  
ռաջացած գոլորշին, որը խնամքի սուր պատերի ազդեցության տակ խտանալով՝ նեղ խողովակի  
միջոցով լցվում է հատուկ միացված ընդունիչի մեջ։ Ինչպես երևում է նկարից, անոթը տարաց-  
վում էր բաց կրակի բոցով, իսկ ցրասրանը (չնդածև ծածկոցը) սառեցվել է ողով<sup>10</sup>։

10 Տ. Ղ ա գ ա ն չ ա ն, նշվ. աշխ., էջ 7—9։

Ուրիշ ձեռագրեր տալիս են թորման սարքավորման հետևյալ նկարագրությունը. «Աման մի... որ պարզարան կոչի և շորիհան. ունի նույն պարզարան և շնչահանս պնակ այնպէս, որպես յա... աջագոյն յիշեալ է, որ վերացուցիչ և պարզիչ կոչի Ունի խոսքին իսկ գմբեթաձև և նույն իսկանն... ներքի դեհն է բոլոր ոստ չափու շորթանցն ներքո ամանին: Եւ շուրթն իսկանս լիցի այսպես պա... րաստեալ, զի հեշտաւ մտցէ ի մեջ երկու շորթանցն ներքո ամանին ամանս այս շնչահանս պարզիչ կոչի, զարդ, որ շորթունս շնչահանիս իսկանն ծոեալ ընդ ներքս հայի, վասն չի առցէ և արդելցի զջուրն, որ բնձայի ի շորթոյն, որ ելանէ առաստաղին շնչահանիս, եւ ի յայնմ ծոեալ շուրթն կա... րիթ, որ ի վայր հայի, ընդ որ չուր իջանէ (և զջուրն այն, որ ելանէ ընդ թիին, ժողովեի յաման... պակի): Ամենեկին ամանն այս այնպես, որպես ամանն որ վարդե ջուր շինուի...»<sup>11</sup>:

Թորման մի այլ, ավելի պարզ սարքավորման պատկերի հանդիպում ենք № 493 ձեռագրում 18- և 219 էջերի միջև կցված տպագիր մի թերթի վրա (նկ. 3գ): Զեռագրում այս մասին գրված է. «Բազումք Էն գործիր քիմիարանութեան առաջին և լավիլին, որոյ ստորին մասն ասի զդու... մաձն և վերին մասն ունի դարախ»<sup>12</sup>: Ղազանջյանը լավիլին անվան կողքին փակագծում գրում է alambik:

Արդեն հիշատակված Ա 6928 ձեռագրի 32ր էջում «Գործիր արուկստիս որը են ամանք աք... րականայ» նկարի անոթներից մեկի (նկ. 3դ) միջին մասում գրված է. «Այսմիկը բաղարան... նոնապութեան»: Այս ձեռագիրը պատկանում է XVII դարին: 1614 թ. Համթում արտագրված մի քիմիական ձեռագիր ունի հատուկ գլուխ՝ «Յաղագս կերպերոյն և ձեւերուն ամանիցն», որ... տեղ ասված է. «Յաղագս ամանիցն դիտասցիր զի են ամանք որ լամբիք կոչին, կտցնելով և կամ լուլայով և են ամանք որ են զդմաձն և են ամանք որ ընդունօղ կոչին... Դիտմքն և լամբիքն լուլայով պիտոյ են շնչահանելո, շիշն է շիւրոյն բաշօղ և ընդունօղ... զի զդումն թանձր լիցի և ամանն այն, որ ալամբիք կոչի հարկ է զնել ի բերանն զդմին և զշիշն ի բերանն ալամբիքի...»<sup>13</sup>:



Նկ. 3. ա. Թորման սարքավորում, ձեռ. 3294, բ. Թորման սարքավորում, գ. Թորման մի այլ սարքավորում, ձեռ. 493: զ. Ալամբիկ բաղարան խոնավության 1. ձեռ. 6928, 2. Չնչահանս պնակ, ձեռ. 6928

Այնուհետև նկարագրված է թորման ողջ ընթաց... բր, որ... հստակ ավարտման համար բաղմամբից նախազգուշացնող խրատներ են տրված: «...Այս պարտ է դիտել,—չարունակում է հեղինակը,— զի շորս ցեղ են ամանքս, որ ալամբիք կոչին զի են ալամբիք որ պարտ է որ ունեցին լուլա... նեղ և անձուկ և այս վասն շնչահանելո զշուշ... սրն եւ է զդում ընդ ալամբիք որ է գմբեթա... ձն... Եւ ալամբիք պարտ է զի լիցի պրուհ կթխայով (զոգավոր դավաթով) ի յուր լցցի այնմ որ հալեցոցն... և ալամբիքն պարտ է զի ի բերանն զդմին լիցի»:

Այսպիսով, ձեռագրերից մենք իմանում ենք, որ նյութի թորման սարքավորման բաղադրիչ մասերից մեկն է ծորակավոր անոթը, որի բա... ժականման շուրթերը վեր են ածվում զոգավոր... դավաթի: Այս անոթին տարբեր ձեռագրեր տարբեր անուն են տալիս՝ «շնչահանս պար... չիշ»<sup>14</sup>, «բաղարան խոնավության»<sup>15</sup>, «զդմաձն աման» և վերջապես՝ «ալամբիկ» կամ «ալամ... բիք»<sup>16</sup>, որը օգտագործվում է նաև ալքիմիա... կան միջազգային գրականության մեջ: Դեռ

ույն ալքիմիկոսներին հայտնի էր ամբիկ կամ ամբիկոս անոթը, որի անհրաժեշտ մասնիկն էր երկար ծորակը: Ըստ որում ծորակների բանակով էլ պայմանավորված էր նրանց անունը. մեկ

<sup>11</sup> Այս նույն տեքստը կրկնվում է երկու ձեռագրերում № 8446 հրատարակված՝ Կ. Ղ ա ֆ ա... զ ա ր յ ա ն, նշվ. աշխ., էջ 150, 151 և ձեռ. № 2527, էջ 32, տե՛ս Տ. Ղ ա զ ա ն ջ յ ա ն, նշվ. աշխ., էջ 8:

<sup>12</sup> Տ. Ղ ա զ ա ն ջ յ ա ն, նշվ. աշխ., էջ 8:

<sup>13</sup> Ձեռ. № 2527, էջ 56:


<sup>14</sup> Ձեռ. № 2527, էջ 32:

<sup>15</sup> Ձեռ. № 6928, էջ 32ր:

<sup>16</sup> Ձեռ. № 2527, էջ 56:

ծորակով՝ ամրիկ, ամրիկոս, երկու ծորակով՝ դիրիկոս, երեքով՝ տրիրիկոս: Հետագայում արարները բառի սկզբին ավելացրել են «ալ» մասնիկը և անոթը սկսել է կոչվել ալամրիկ<sup>17</sup>: Չեռագրերում հանդիպած նկարագրություններում և պահպանված նկարներում այս անոթների մի քանի տիպի են՝ լայն կամ նեղ ծորակով, ծորակը կողքից կամ վերից, ակոսավոր քաղարանով կամ առանց դրան և այլն:

Դվինի ապակե իրերի ժողովածուում կա անոթների մի խումբ, որի մեջ մտած նմուշները համապատասխանում են վերոհիշյալ նկարագրություններին: Այդ անոթները երկու տեսակի ալամրիկներ են: Առաջին տեսակը թափանցիկ, անգույն ապակուց պատրաստված անոթներն են, գմբեթաձև պարունակիչով, որի միջին մասը, խոր ակոս-ծալը կազմելով՝ շուրթերի մոտ ուղղվում է և նմանվում բաժակի: Անոթի միջին մասում, անմիջապես ակոսից սկսվում է ծորակը, որը հիմքի մոտ ավելի լայն է, և հեռահետ նեղանում է. անոթի բարձրությունն է 11 սմ, լայնությունը՝ 12 սմ, ծորակի ծայրի տրամագիծը հիմքի մոտ՝ 4 սմ (նկ. 4): Այս տիպի անոթներից Դվինում դրահրված է երեք հատ (նկ. 5): Նրանք համապատասխանում են ձեռագրերում նկարագրված և



Նկ. 4. Ալամրիկ Դվինից

նկարված ալամրիկ շնչահուն Բաղսրան խոնավության կոչվող անոթներին, որոնք, ինչպես վերը ասացինք, օգտագործվում էին ալքիմիական աշխատանքներում՝ նյութերի թորման համար: Սրանց մեջ էր հավաքվում թորվող նյութի գոլորշին, որը շփվելով անոթի սառը պատերին՝ վեր էր ածվում հեղուկ կաթիլների և, կուտակվելով միջին մասի ակոսում, նեղ ծորակի միջոցով թափվում էր ընդունիչ անոթի մեջ: Դվինի անոթները շատ նման են ձեռագրերի ալամրիկ, քաղարան, խոնավության անոթներին: Տիշտ այս տիպի ալամրիկ է գրված Ն: Յա նկարի թորման սարքավորման մեջ, թեև այդ պատկերը XVIII դարի է, իսկ Դվինի անոթը՝ X—XI դարերի: Այսպիսով, ալքիմիկոսները XVIII դ. օգտագործում էին ապակե այնպիսի «քաղարաններ», ինչպիսիք հայտնի էին գուցե և ավելի վաղ ժամանակաշրջաններում: Այս տիպի ալամրիկներ հանդիպում են տարրեր երկրների հնագիտական ժողովածուներում: Սգիպտոսում՝ VI—VII դդ.<sup>18</sup>, Պարսկաստանում՝ IX—X դդ.<sup>19</sup>, Միջին Ասիայում՝ X դ.<sup>20</sup>:

<sup>17</sup> У. И. Каримов, Неизвестное сочинение Ар-Рази «Книге тайны таин». Ташкент, 1957, էջ 121, ծանոթ. 31:

<sup>18</sup> C. I. Lamm, Mittelalterliche Gläser und Steinschnittarbeiten aus dem Nahen Osten, Berlin, 1930, bend. I, taf. 1 17.


<sup>19</sup> C. I. Lamm, Glas from Iran, Stockholm, 1935.

<sup>20</sup> М. Аминджанова, О некоторых стеклянных сосудах Маверанахра. «История материальной культуры Узбекистана», вып. 2, 1961, էջ 248, նկ. 1:

Որկրորդ խմբի ալամրիկներն ավելի պարզ կազմություն ունեն և ավելի փոքր չափերի են. պատրաստված են թափանցիկ, անգույն, բարակ ապակուց. պարունակիչը հարթ ռաժակաձևաձև. թևերն զոգավորություն ունեցող հատակով, ծորակի երկարությունը՝ 6,5 սմ, ի տարրերությունն ինտրոդուկտների այս ալամրիկների ծորակի շուրթը, որ այս դեպքում անոթի վերին մասն է կազմում, դեպի ցած է թեքված: Լեյս տիպի ալամրիկները շատ ավելի են տարածված և հավանաբար տվելի հին ժազում ունեն. այսպես՝ Պարսկաստանում և Սփյուռքում հայտնաբերված անոթների թվագրվում են V—VII դդ.<sup>21</sup> Սրանց նշանակության մասին տարրեր կարծիքներ են հայտնված. ոմանք կարծում են, թե դրանք բժշկության մեջ օգտագործված արյունառության անոթներ են<sup>22</sup>, և միևնույն ժամանակ գտնում է, որ այս ալամրիկները, որոնք մեծ քանակությամբ գտնվում են նաև Մեզոպոտամիայի գանազան վայրերում և վերաբերում են X—XII դդ., ծառայել են որպես համա-  
րանք՝ հեշտ ցնդող հեղուկները կամ թունավոր գոլորչիներ ունեցող նյութերը (ինչպիսին է սնդիկը) անմիջական գործողության միջոցին անոթի մեջ լցնելու համար՝ կավե ձվաձև անոթից կամ խոշակ սովորաբար կոչում են, սնդկամանից<sup>23</sup>: Լեյս անոթի ծորակի վերջավորության տրամագիծը համապատասխանում է ձվաձև անոթների բերանի անցքի չափերին:

Հավանական է, որ այս անոթներն ունեցել են տարբեր կիրառումներ: Նրանք կարող էին օգտագործվել նաև թանկարժեք անուշահոտ յուղերն առանց կորստի սրվակների մեջ լցնելու համար: Լեյս տիպի ալամրիկները հայտնաբերված են նաև Ռենեսանսայում, Իտալիայի քաղաքի պեղումներից և թվագրվում են VIII—IX դդ.<sup>24</sup>:

Ձվաձև կամ սնդկաման կոչված անոթների մասին, որոնք մեծ քանակությամբ հայտնաբերված են Մերձավոր Արևելքի բազմաթիվ հնավայրերում, և դրանց նշանակության վերաբերյալ հայտնված են տարբեր կարծիքներ: Սակայն այդ կարծիքներն ի վերջո հանգում են այն բնագավառում, որ դրանք ծառայել են ցնդող նյութերի, հեղորայրի, անուշահոտ յուղերի և այլ թանկարժեք ու թունավոր հեղուկների պահպանման և տեղափոխման համար<sup>25</sup>: Լեյս անոթների մասին, որոնք մեծ քանակությամբ գտնված են նաև Դվինում, ալքիմիական ձևագրերը և ուլանյան հիշատակություններն ունեն, և այստեղ դրանք հիշատակվում են իբրև հատուկ անոթներ, կոչը կամ զոգավոր հատակով, որոնք մեծ դեր են խաղացել ալքիմիկոսների աշխատանոցներում՝ կոչվել են ձու կամ հայոց ձու, երբեմն նաև՝ իմաստնալ ձու<sup>26</sup>, և այս անոթների պատրաստվում էին հատուկ կավից և երբեմն էլ ապակուց, բայց կավից պատրաստված անոթները շատ ավելի մեծ թիվ են կազմում:



խորն մախաթ, որ պնայ ծայրն մեջն, յորժամ ցամաքի, հան պմախաթն իւրմէն, որ մնա տեղն ծակ. դիր ի վերա ներս կրակ, մումն հալի, մնա, դատարկ և լից ի ծակն ներս սնդիկն և ամրացրու ղծակն»<sup>27</sup>։ Տ. Ղազանջյանը կարծում է, որ այս գնդաձև անոթները հավանաբար հենց այն հերմետիկ փակվող անոթներն են<sup>28</sup>, որոնց մասին բազմաթիվ հիշատակություններ կան և որոնք շատ ամհրաժեշտ են քիմիկոսի աշխատանոցում։ Եվ իսկապես, ձվաձև անոթների բերանի փոքրիկ անցքը և նրա շուրթերի շուրջը պատրաստված հատուկ ակոսն արդեն վաղուց հանաչված է որպես համարանք նրանց բերանը հերմետիկ փակելու համար։

Այսպիսով, մենք ունենք հրակայուն կավից պատրաստված, հերմետիկ փակվող անոթներ, որոնք հնագիտական դրականության մեջ և ալքիմիական ձևագրերում կրում են մի քանի անուններ՝ «ձվաձև», որը պայմանավորված է նրանց ձվաձև տեսքով, «իմաստնաց ձու» կամ «հայկական ձու», քանի որ այդ անոթները պատրաստվում էին հատուկ հրակայուն կավից, որը հայտնի է իմաստնաց կավ կամ «հայկական կավ» անունով<sup>29</sup>։ Ձվաձև այս անոթներն ունեն ևս մի և ոչ պակաս տարածված անուն՝ սնդկաման։ XVI դարի մի պարսկական բժշկարանում, այն էլում, որտեղ խոսվում է սնդիկի և նրա օգտագործման մասին, նկարված են ձվաձև երեք անոթներ, որպեսզի ցույց տրվի, թե ինչ ձևի անոթների մեջ է պահվել սնդիկը<sup>30</sup>։ Այս անոթները շատ տարածված էին միջնադարում և բացի կենցաղում օգտագործվելուց, լայնորեն կիրառվել են նաև ալքիմիկոսի աշխատանոցում ցնդող ու թունավոր նյութերի պահպանման և տեղափոխման համար։ Մյուս կողմից, շնորհիվ իրենց որոշ հատկությունների, դրանք հեշտությամբ կարող էին օգտագործվել և այլ նպատակների համար. որպես ընդունիչ՝ թորման սարքավորման մեջ, որոշ դեպքերում նաև իրրև այնպիսի մի անոթ, որի մեջ կարելի էր ստանալ շրջապատի համար միանգամայն անվնաս թունավոր քիմիական միացություններ։

Վաղուց հայտնի է, որ միջնադարյան բժիշկները լայնորեն օգտագործում էին սնդիկը զանազան հիվանդությունների դեմ պայքարելու նպատակով, բայց նրանց հայտնի էին նաև սնդիկի և նրա գոլորշիների թունավոր հատկությունները, որոնցից ապահով մնալու համար բազմաթիվ նախազգուշություններ էին պահանջվում։ Հայտնի է, որ սնդիկի և վարդաջրի միացությունը օգտագործվում էր մաշկի զանազան հիվանդությունների դեմ պայքարելու համար։ Թե՛ մեկ և թե՛ մյուս նյութերը պահանջում էին զգուշություն և մեծ խնամք դրանց պատրաստման ընթացքում։ Մենք վերը տեսանք, որ թորման այն սարքավորումը, որի մասին հիշատակեցինք, օգտագործվում էր նաև վարդաջուր ստանալու համար։ Այն կարելի էր օգտագործել նաև սնդիկի գոլորշիներ ստանալու համար. եթե այդ սարքավորման մեջ որպես ընդունիչ օգտագործեին ձվաձև անոթը, ապա կարելի էր առանց կորուստի ստանալ թե՛ վարդաջուր և թե՛ սնդիկ։ Ամուր խցանելով անոթը, կարելի էր անվտանգ և ապահով պահպանել այն ու տեղափոխել ցանկացած վայր։ Թորման սարքավորման ընդունիչներն էին նաև վերը հիշատակված բազմաթիվ սրվակները կամ շուշա օկացուցաճեղոցները։ Այս տիպի անոթների բազմապիսի օգտագործման ապացույցներ շատ կան։ Այդ անոթների պատկերներին կարելի է հանդիպել նույնիսկ հայկական վանքերի բարձրաքանդակների վրա. այսպես, օրինակ, Բղենո նորավանքի քանդակներից մեկի վրա պատկերված են ամբողջ հասակով կանգնած երկու կին, որոնցից մեկն իր ձեռքին բռնել է բուրվառ, իսկ մյուսը՝ մի անոթ, որի կափարիչը ծածկված է մանր գնդիկներով<sup>31</sup>։ Այդ անոթը քառակող է, լայն ու բաց վզով, որպիսիք շատ տարածված են եղել ոչ միայն միջնադարում, այլև մեր ժամանակներում և օգտագործվել են զանազան յուղերի, հեղուկների պահպանման համար։

Այսպիսով պարզվում է, որ Դվինի պեղումների ժամանակ գտնված ապակե խողովակավոր անոթները թորման սարքավորման բաղադրիչ մասերն են, որոնք ունեցել են նաև այլ գործածություն։ Ինչպես տեսանք, այս տիպի սարքավորման միջոցով է ստացվել նաև վարդաջուրը, որը օգտագործվել է տեղական բնակչության կողմից և հանդիսացել առևտրի առարկա։

<sup>27</sup> Ձեռ. № 2850, էջ 157ա և № 6928, էջ 38ա։

<sup>28</sup> Տ. Ղազանջյան, նշվ. աշխ., էջ 21։

<sup>29</sup> Սույն տեղում։

<sup>30</sup> Б. В. Лунин, К вопросу о функциональном назначении сфероконических сосудов в связи с одним рукописным материалом XVI в. «История материальной культуры Узбекистана», 1961, вып. 2, էջ 233—239։

<sup>31</sup> Ս. հ. Մնացականյան, Հայկական ճարտարապետության Սյունիքի դպրոցը, Երևան, 1960, էջ 234—235։

Եթե ալքիմիական ձեռագրերը մեզ հասել են XVII—XVIII դարերից և այդ արվեստի մասին հնագույն հիշատակությունը հայկական մատենագրության մեջ XIII դարից է, ապա Դվինում գտնված ալամրիկ սրվակները X—XI դարերին են պատկանում: Եվ եթե նկատի ունենանք այդ անոթների զարգացած վիճակը, պետք է ենթադրենք, որ ալքիմիան Հայաստանում լայն տարածում է ունեցել, նրա արտադրությունը առևտրի մեջ զգալի դեր է խաղացել դեռևս XIII դարից առաջ: Ուստի սխալ է այն տեսակետը, թե ալքիմիան առաջ է եկել XIII դարում: Ըստ մեր ձեռքի տակ եղած տվյալների, որոնք այստեղ հիշատակեցինք, այն գոյություն է ունեցել շատ ավելի վաղ շրջանում:

Հ. ԶԱՆՓՈՒԱՅԱՆ

### ՄԻՋՆԱԳՈՐԾԱՆ ՀԱՅԿԱԿԱՆ ՍՂԱԳՐՈՒԹՅԱՆ ՆՈՐԱՀԱՅՏ ՄԻ ՍԻՍՏԵՄ

Սղագրության մեջ հասած հնագույն օրինակները վիճաբեր արձանագրություններն են, որոնց հաջորդում են տարբեր ձևերով համառոտագրված ձեռագրերը: Հայաստանում սղագրությունը առանձնապես մեծ զարգացում է ապրում սկսած XVI—XVII դարերից: Համառոտագրման նախնիքն ձևերն այլևս չեն բավարարում: Պահանջ է առաջանում ստեղծել գրությունն արագ ձևի համարժեցանույր կիրառման մի այնպիսի ամբողջական սխեմա, որի ոգևորյալը հետազոտողները կարճ ժամանակում շատ արագ գրել, մի քանի գրքերի նյութը մեկ գրքի մեջ տեղափոխել և զգալիապես կարգալուծ, գրագումար իմանալ:

Հայերենի սղագրական այդպիսի մի սխեմա ստեղծվել է 1628 թ., այսինքն, անգլիացի Ռիչլիսի սխեմայից բնագամներ 26 տարի հետո և ֆրանսիացի Կոստարի սխեմայից 23 տարի առաջ:

Այն մեզ է հասել ձեռագիր վիճակում, ամբողջական է, բացառությամբ հիշատակարանի երեք թերթիկներից, որոնք ձեռագրից կտրված հանված են: Հիշատակարանից պահպանված է մի քանի տող, որտեղ և հիշվում է հեղինակի անունը. «Ո՛վ հայրք և եղբայրք, որք հանդիպեցրոյս կարգալուծ կամ օրինակելով ի բերանով ողորմի ասացնք գծողի սորոյ տնարժան Նազարին և աստուած մեզ ողորմեացի, ամէնէն: Զեռագրի մեծությունը  $14,5 \times 9,5$  սմ է, գրությունը՝ յոսորդի, բաղկացած է 326 թղթի թերթիկներից: Սղագրից և վերջից ունի 2-ական մագաղաթյա պահպանակներ՝ բոլորակաձև երկաթագրով: Զեռագրի վրա կան հիշատակագրություններ, մեկը՝ ոմն Համթեցի Մարտիրոս վարդապետի (1715 թ.) և մյուսը՝ Մեսրոպ արքեպիսկոպոս Սմբատյանցի (1886 թ. գրված): Ամբողջ ձեռագիրը սղագրության հեղինակի ինքնագիրն է: Այդ մասին են վկայում և՛ միևնույն ոճը, և՛ հեղինակի կողմից առաջագրվող սղագրական մեծագույն ճշգրիտ կիրառումը, ինչպես նաև ձեռագրում արտահայտված հեղինակի սրտ մարերը: Նա վախ է հայանում, որ հետագա արտագրողները կարող են աղավաղել գրչության արվեստի այդ գեղեցիկ գործը և գրանից բխող թերությունները վերագրել իրեն. «Ո՛հ, թե որպիսի ապականել տկարացրիչը զարուհասս զայս և գիցեն պատճառս ի վերա թարգմանողին, ո՛հ, ո՛հ...»: Զեռագրում հեղինակի կողմից արված է ոչ միայն սղագրության իր սխեմայի տեսական բացատրությունը՝ ամփոփված առաջարանի յոթ թերթիկում, այլև գործնականում աշխատելով վրա՝ որք և հետազոտությունը է ընձեռում կանխիկ կերպով նկատելու գրա հարմարավետությունը:

Գրչության վայրը ստույգ հայտնի չէ, գրված է հավանաբար Բաղեշին մոտակա որևէ վանքում: Հեղինակը ձեռագրի 272-րդ էջում խոսելով հայոց թվականի ստացման մասին (որտեղից և պարզվում է ձեռագրի գրության ճիշտ թվականը), հիշատակում է իր ժամանակակից երկու վարդապետների՝ Ներսեսի և Խաչատուրի անունները, որոնք այդ հարցով գրադվելիս հշտել են իրենց ապրած թվականը, որք... ոչ է ԹՂ (1078) (մեր թվականության 1629) այլ ԹՂ (1077) (մեր թվականության 1628)՝... Եթե ասելք զայս ով խնդրեաց, Ներսես վարդապետն, խնդրեց շնտառս իւր փափաքանացն, մինչև Խաչատուր վարդապետն ուզեց, աստուծոյ կարողութեամբ եզրուրց ազոթիքն գտաւ, զմեզ տրախացուց, աստուած ողորմի ասացէքս:

Հայտնի է, որ Բաղեշի գաղղի այդ ժամանակաշրջանի տեղանվոր ներկայացուցիչներից են եղել Ներսես և Խաչատուր վարդապետները, որոնք շատ հավանական է, որ գրագրված լինեն:

1 Մ. Մաշտոցի անվ. Մատենադարան (այսուհետև՝ Մատենադարան) ձեռ. № 1425, էջ 300ր:

2 Նույն տեղում, էջ 12ր:

3 Նույն տեղում, էջ 272ր:

4 Նույն տեղում, էջ 274ր: